

2024-imut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Asii Chemnitz Narup, Inuit Ataqtigiit, siulittaasoq
Inatsisartunut ilaasortaq Jens Frederik Nielsen, Demokraatit, siulittaasup tullia
Inatsisartunut ilaasortaq Peter Olsen, Inuit Ataqtigiit
Inatsisartunut ilaasortaq Mariia Simonsen, Inuit Ataqtigiit
Inatsisartunut ilaasortaq Kuno Fencker, Siumut
Inatsisartunut ilaasortaq Karl Tobiassen, Siumut
Inatsisartunut ilaasortaq Jens Napaattoq, Naleraq

Ulloq 26. september 2023-mi siullermeerinninnerup kingorna ataatsimiititaliap siunnersuut misissorpaa.

Imarisai:

1. Aallaqqaasiut3	
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	3
1.2 Ataatsimoortumik tullerriiaarisarnissamik tunngavik	4
1.3 Aningaasanut inatsisissatut siunnersuummik siullermeerinnineq	5
2. Naalakkersuisut allannguutissatut siunnersuutaat	5
2.1 Aningaasaqarnermut Ataatsimiititaliap ataatsimut isigalugu isummenera	6
3. Aningaasaqarnermut Ataatsimiititaliap apeqquai/oqaaseqaatai aalajangersimasut suliassa qarfinnut agguataarlugit	– 6
4. Aningaasaliissutinut allannguutissatut siunnersuutit	6
4.1. Sammisag 1 – Teknikikkut allannguutit	7
4.2. Sammisag 2 – Missingersuutinut sunniuteqanngitsumik allannguutit	7
4.3. Sammisag 3 – Aningaasartuuteqarnerussutissat	9
4.4. Sammisag 4 – Aningaasartuutaanerusut	10
4.5. Sammisag 5 – Isertitaqarnerunissamik inatsisitigullu pisussaaffigalugit aningaasartuutissanut missingiutit nutaat	11
5. Oqaasertaliussanut allannguutissatut siunnersuutit	12
5.1 Naalakkersuisut oqaasertaliussanut allannguutissatut siunnersuutaat	12
6. Aningaasaqarnermut Ataatsimiititaliap inassuteqaatai	14

Ilangussanut takussutissiaq:

- A. Ataatsimiititaliap Naalakkersuisunut apeqquai 20. september 2023 -meersut.
- B. Ataatsimiititaliap ilangussaq A malillugu apeqquaanut Naalakkersuisut akissutaat 12. oktober 2023 -meersut.
- C. AIS2024-p aappassaaneerneranut allannguutissatut siunnersuummut Naaqqiut 23 oktober 2023-meersoq. (Allannguutissatut siunnersuutit nr. 1-52).
- D. AIS2024-p aappassaaneerneranut allannguutissatut siunnersuummut Naaqqiut 23. oktober 2023-meersoq Naalakkersuisut oqaasertaliussanut allannguutissatut siunnersuutaat. (Allannguutissatut siunnersuutit nr. 53-59).
- E. AMAAT-ip siulersuisuinit saaffiginnissut.

1. Aallaqqaasiut

Inatsisartut Naalakkersuisullu pillugit inatsimmi nr. 26-mi, 18. november 2010-meersumi kingusinnerusukkullu allannguuteqartinneqartumi, § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappassaaneerneqarneratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Nuummi august 2023-imi missingersuutit pillugit isumasioqatigiinnermi ataatsimiititaliamit misissorneqarpoq. Ataatsimiititaliap aningaasanut inatsisissatut siunnersuummik misissuinini suliarinninninilu tunngavigalugit Naalakkersuisunut apeqquiorpoq. Apeqquutit ilanngussaq A-tut Naalakkersuisullu akissutaat ilanngussaq B-tut ilanngunneqarput.

Aningaasanut inatsisissatut siunnersuummik Inatsisartut siullermeerinninnerata kingornatigut Naalakkersuisut ulloq 20. oktober 2023-imi allannguutissatut siunnersuutinik 59-inik saqqummiussipput. Aningaasaliissutinut taamatullu oqaasertaliussanut allannguutissatut siunnersuuteqartoqarpoq. Allannguutissatut siunnersuutit taakku ilanngussaq C-tut aamma D-tut ilanngunneqarput.

Aappassaaneerinninnerup kinguartinneqarnissaanik Siulittaasoqarfik ataatsimiititaliamit qinnuigineqartariaqarsimavoq. Tamatumunnga tunngaviuvoq aappassaaneerinninnissamut allannguutissatut siunnersuutitut saqqummiussassatut Naalakkersuisut nalunaarutigisaasa ataatsimiititaliamit utaqqineqartariaqarsimanerat.

Inatsisartut aningaasanut inatsisissatut siunnersuummik aappassaaneerinninnissaannut ataatsimiititaliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat

Aningaasanut inatsisissatut siunnersuutip ilusiligaanera Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-meersumi kingusinnerusukkullu allannguuteqartinneqartumi pingaarnertigut aalajangersarneqarpoq. (matuma kingorna missingersuutit naatsorsuutillu pillugit inatsimmik taagorneqarpoq. Naalakkersuisut aningaasanut inatsisissatut siunnersuutip suliarineqarnissaanut aqqissuunneqarnissaanullu malittarisassaliorsinnaasut § 13, imm. 1-imi allassimavoq. Naalakkersuisullu aningaasanut inatsisip aqqissugaanera aamma allaffissornikkut aningaasanut inatsisip suliarineqarnerata ingerlasarnera pillugit Naammisorlutik Oqartussat nalunaarutaat nr. 44, 27. november 2020-meersoq aqutugalugu taamaaliorput. Tassani aningaasanut inatsisip aningaasaleeriaatsinut immikkoortiternera kiisalu aningaasanut inatsisissatut siunnersuummik suliarinnittarneq pillugit maleruagassanik aalajangersaasoqarpoq.

1.2 Ataatsimoortumik tullerïiaarisarnissamik tunngavik

Kiisalu missingersuutit naatsorsuutillu pillugu inatsit 2016-imeersoq naapertorlugu oqaasertaliussaq aqutigalugu inatsimmut atuuttumut ilassutitut aalajangersimasunik aalajangersaasoqarsinnaavoq. Inatsimilli atuuttumik oqaasertaliussakkut allanngineq pisuni immikkorluinnaq ittuni taamaallaat pisinnaavoq aammalu aatsaat allanngineq piffissami killilikkami aatsaat pippat. Aammali inatsisini ataavartumik nalinginnaasumilluunniit allannginerit oqaasertaliussakkut pisinnaannginnerat atuuppoq.

Tassunga atatillugu missingersuusiornermut malittarisassat 2008-meersut ataatsimiititaliamit innersuussutigineqassapput, tassani allassimalluni oqaasertaliussat ataasiakkaat suli pisariaqarnerisut naliliivigineqartariaqartoq. Missingersuusiornermut malittarisassat naapertorlugit inatsimik ataavartumik nalinginnaasumilluunniit allanngineq oqaasertaliussakkut ingerlaneqaqqusaanngilaq, tassungali taarsiullugu inatsisiliornikkut akuersissutigineqartussaalluni. Kiisalu missingersuusiornermut malittarisassani allassimavoq oqaasertaliussakkut inatsimmik atuuttumik allanngineq taamaallaat pisariaqartoq inatsimmik allanngineq utaqqinneqarsinnaanngippat.

Taamaattumillu missingersuusiornermut malittarisassat 2008-meersut naapertorlugit oqaasertaliussat, taamaalillutillu aamma piginnaatitsissutit, amerlassusiat sapinngisamik annertunerpaamik killilersimaarneqartariaqartoq ataatsimiititaliamit aalajangiusimaneqarpoq.

Ataatsimoortumik pingaarnersiulluni tullerïiaarisarnermik periuseqarneq aningaasaqarnitta pilersaarusiorneqarnerani pingaarnertut tunngaviuvoq. Aningaasaqarnerup naalakkersuinikkut suli-aqartunit paasineqarsinnaanissaata anguniarneqarnissaa aallaavigalugu aammalu siamasissumik tullerïiaarinissap qulakkeerneqarnissaa periarfissaqaqqullugu tunngavik tamanna qitiullunnarpoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigit pisinnaasaannut naleqqussakkamik aningaasartuutigit aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartussaasusunit aammalu aningaasaliissutit atorneqarnerannik nakkutilliisuusunit, akuersissutigineqartarpoq. Ukiumoortumik pingaarnersiulluni tullerïiaarineq kingusinnerusukkut ilassutitut aningaasaliissuteqarnikkut aalajangiisuusumik allanngortinneqaqqusaanngilaq.

Siumoortumik aningaasaliissuteqartoqarsimatinnagu aningaasartuuteqartoqarsinnaananilu iserti-aqartoqarsinnaanngilaq. Taamaattumillu iliuusissaq aningaasanut inatsimmi inatsisiniluunniit allani tunngavissinneqarsimatinnagu iliuusissap piviusunngortinneqarnissaa sioqqullugu aningaasaliissutitigit tunngavissaq pissarsiarineqaqqaaassaaq.

Aningaasanut inatsit oqaasertaliussanik arlalinnik imaqarpoq, taakkulu tassaapput inatsimmi aalajangersakkat aningaasaliissutinik aqutsinermi tapertatut atorneqartut. Oqaasertaliussat aqutigalugit suliassaqarfiup pineqartup iluani suliassaqarfiilluunniit assigiinngitsut iluini konto pingaarnertit akornanni nussuinissamut Naalakkersuisut piginnaatinneqarsinnaapput. Taamatutaaq atuinerussutit atuinikinnerussutilluunniit ukiut aningaasanut inatsiseqarfiusut assigiinngitsut akornanni nuunneqarnissaannut Naalakkersuisut oqaasertaliussakkut piginnaatinneqarsinnaapput.

1.3 Aningaasanut inatsisissatut siunnersuummik siullermeerinnineq

2023-imi aningaasanut inatsisissatut siunnersuut Inatsisartunit ulloq 26. september 2023-imi siullermeerneqarpoq. Siunnersuummut nalinginnaasumik oqaaseqaatit arlallit aammalu amerlanerusunik ikinnerusunilluunniit aningaasaliisoqarnissaannik kissaatit aalajangersimanagerusut siunnersuummik siullermeerinninnermi saqqummiunneqarput. Kissaatit saqqummiunneqartut amerlanersaat ataatsimiititaliap isumaa malillugu partiit akornanni kiisalu partiit Naalakkersuisullu akornanni aningaasanut inatsit pillugu nalinginnaasumik oqallisiginninnermi ilanngutissallugit naleqqunnerupput.

2. Naalakkersuisut allannguutissatut siunnersuutaat

Allannguutissatut akuerineqassappata AIS2024-p appassaaneerneqarnerani IST-p IS-illu inernerannut sunniutissat tamarmiusut takussutissiimi matuma kingulianiittumi takutinneqarput.

Aningaasat mio. kr.-nngorlugit.	2024	2025	2026	2027
AIS2023-mi IST-p inernerana	-101,4	-182,6	-243,0	-221,2
AIS2023-mi IS-ip inernerana	-91,4	-172,6	-233,0	-211,2
Allannguutissatut siunnersuutip aappassaaneerneqarnerani IST-p inernerannut sunniutissat	-152,7	-105,9	-91,4	-91,9
IST-p inerneranik aappassaaneerinnineq	254,1	-288,5	-334,4	-313,1
IS-ip inerneranik aappassaaneerinnineq	-244,1	-278,5	-324,4	-303,1

Allannguutissatut siunnersuutip aappassaaneerneqarnissaanut saqqummiunneqarneratut isikkoqartillugu akuerineqassappat 2024-mi IS-ip inernerana 244,1 mio. kr.-nik sinneqartoortigineqassapput. 2024-mit 2027-mut aningaasanut inatsiseqarfiusumi tamarmi 1.150,1 mio. kr.-t sinneqartoortigineqassapput. Ukiuni sisamani IST-mi angusat 1.190,1 mio. kr.-inik sinneqartoortigineqassapput.

Suliassaqarfinni arlalinni qulaajaanermik sulineq pingajussaaneerinninnissamut allannguutissatut siunnersuuteqarnermik nassataqarsinnaasoq ingerlanneqartoq aningaasanut inatsisissatut siunnersuummi nassuiaatini Naalakkersuisut paasisutissiissutigaa. Allannguutissatut siunnersuutit angusanut siuliani allassimasunut allangortitsissapput.

2.1 Aningaasaqarnermut Ataatsimiititaliap ataatsimut isigalugu isummenera

Naalakkersuisut allannguutissat siunnersuutaannut Aningaasaqarnermut Ataatsimiititaliap oqaaseqaatai aammalu inassuteqaatai isumaliutissiissutip matuma immikkoortuini 4-6-mi takuneqarsinnaapput.

Aappassaaneerinninnissamut Naalakkersuisut allannguutissat siunnersuutaasa amerlanersaat akuerineqarnissaat Aningaasaqarnermut Ataatsimiititaliamit inassutigineqarpoq.

3. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqarfinnut agguataarlugit

Isumaliutissiissummi ilanngussat A aamma B ataatsimiititaliap Naalakkersuisunut aallarniutigalugu apeqqutaanik Naalakkersuisullu akissutaanik imaqtut, aallarniutigalugit innersuututigineqassapput.

Aallarniutit Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai.

Aningaasanut inatsit pillugu Naalakkersuisunik aammalu Inatsisartut ataatsimiititaliaannik attuumassuteqartunik oqaloqateqarnerit akissutaat tunngavigalugu ataatsimiititaliamit ingerlateqqinneqassapput.

4. Aningaasaliissutitut allannguutissatut siunnersuutit

Immikkoortoq 1-imi taaneqartut aningaasanut inatsisissatut siunnersuummut allannguutissatut siunnersuutitut 59-inik Naalakkersuisut saqqummiussipput. Taakkunanga 52-it aningaasaliissutitut allannguutissatut siunnersuutaapput 7-illu oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutip immikkoortuini 4-mi 5-imilu sammeneqarput.

Aningaasaliissutitut allannguutissatut siunnersuutit sammisanut ukununga immikkoortinneqarsimapput:

Sammissaq 1: Teknikikkut allannguutit

Sammissaq 2: Missingersuutitut sunniuteqanngitsumik allannguutit

Sammissaq 3: Aningaasartuuteqarnerussutissat

Sammissaq 4: Aningaasartuutikinnerussutissat

Sammissaq 5: Isertitaqarnerunissamik inatsisitigullu pisussaaffigalugit aningaasartuutissanut missingiutit nutaat

Aningaasaliissutitut allannguutissatut siunnersuutit nr. 1-imit nr. 52-imut *normulersugaapput*.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutitut takussutissiami* allassimapput; *ilanngussaq 1*. Aningaasaliissutitut takussutissiat

Naalackersuisut aningaasaliissutitut allannguutissatut siunnersuutaannut saarlinggorlugit ilanngunneqarput, taakkulu isumaliutissiisummut ilanngussaq C-tut ilanngunneqarlutik.

Oqaasertaliussanut allannguutissatut siunnersuutit 7-iupput. Taakku nr. 53-imit nr. 59-imit *normulersugaapput*. Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiisummut ilanngussaq D-p ataani ilanngunneqarput.

4.1. Sammisag 1 – Teknikikkut allannguutit

Qulequttami tassani allannguutissatut siunnersuutit 5-nik Naalackersuisut saqqummiussipput, taakkulu 1-imit 5-imit normoqarput.

Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammissami missingersuutit ilanngussani oqaasertanik suliassanullu kisitsisinik il.il. nutarterineq pineqarpoq. Aningaasaqarnermut Akileraartarnermullu Ataatsimiititaliamit aningaasanut inatsisissatut siunnersuummut il.il. apeqqutit teknikimut attuumassuteqartut tunngavigalugit nutarterisoqarpoq. Sammisap ataani aningaasaliissutitut siunnersuutit aningaasaliissutit allannguutaasussanik saqqummiussisoqanngilaq.

Allannguutissatut siunnersuutit ataasiakkaanut ataatsimiititaliap oqaaseqaatai:

Allannguutissatut siunnersuut nr. 3 aamma 4:

Konto pingaarneq 30.10.48 Isumaginnikkut peqqissutsikkullu pinaveersaartitsineq:

Konto pingaarneq 30.13.41 Innarluutilinnut angerlarsimaffiit:

Apeqqut:

Kontonut pingaarnertut taakkununga aningaasat naammattut immikkoortinneqarsimanersut ataatsimiititaliamit apeqquserneqarpoq. Konto pingaarnertut taaneqartunut aningaasaliissuteqarnerunissaq pillugu allannguutissatut siunnersuutit Naalackersuisut saqqummiussilersaarpat?

Sammisag 1-ip ataani allannguutissatut siunnersuutit nr. 1, 2 aammalu 5 **akuerineqassasut** ataatsimiititaliamit **inassutigineqarpoq**.

Allannguutissatut siunnersuutit nr. 3-mut aamma 4-mut **isummernissani** siunnersuutit pingajussaaneerseqarnissaanut ataatsimiititaliap **kinguartippaa**.

4.2. Sammisag 2 – Missingersuutit sunniuteqanngitsumik allannguutit

Qulequttami tassani allannguutissatut siunnersuutit 27-nik Naalackersuisut saqqummiussipput, taakkulu 6-imit 32-mut normoqarput.

Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Manna sammisami pingaartumik allannguutissatut siunnersuutit eqimattat pingasut saqqummiunneqarput:

1. Konto pingaarneq 20.11.70 Suliniutinut nutaanut sillimmatinik agguassassanik atulersitsineq
2. Naalakkersuisut suliassaqrifiisa assigiinngitsut iluani nuussinerit allat arlallit
3. Sanaartornermik suliniutinik arlalinnik atulersitsinerit.

Allannguutissatut siunnersuutitut ataatsimiititaliap oqaaseqaatai:

Apeqqu 1:

Allannguutissatut siunnersuut nr. 8: Konto pingaarneq 20.11.70 Suliniutinut nutaanut sillimmatit: Allannguutissatut siunnersuutip nr. 8-p ataani Naalakkersuisut siunnersuutigaaat konto pingaarnernit 20.11.70-imit, Sillimmatinut nutaanut tunngasumit, 10 mio. kr.-it utertitseriaatsimut atugassatut peerneqassasut. Kontonut pingaarnernut allanut allannguutissatut siunnersuuteqarfiusunut aammalu utertitseriaatsimik taasaqarfiusunut tunngatillugu aningaasat taaneqartut imminnut assortuutinnginersut paasissutissiissutigineqassasoq ataatsimiititaliamit kissaatigineqarpoq.

Apeqqu 2:

Allannguutissatut siunnersuut nr. 12 aamma nr. 13:

Konto pingaarneq 34.14.01 Nunatsinni Nakorsaaneqarfik:

Konto pingaarneq 34.11.08 Atornerluisunik katsorsaaneqarfik:

Aningaasat immikkoortinneqartut piffissamut 2024-mi 1. januarimit 30. septemberimut taamaallaat atuuttut ataatsimiititaliamit naatsorsuutigineqarpoq. Taamaattumillu piffissaq 1. Oktoberimit 31. decemberimut ingerlasoq ukiumut matumunnga aningaasanut inatsimmit atuuttumit matussuserneqartoq ataatsimiititaliamit naatsorsuutigineqarpoq.

Kiisalu aningaasaliissutit 660.000 kr.-it aammalu kisitsisip 666.000-ip oqaasertani taaneqartup akornanni assigiinngissut naqinnerluinermik pissuteqartoq ataatsimiititaliamit naatsorsuutigineqarpoq.

Allannguutissatut siunnersuummut nr. 12-imut 34.11.08-mut, Atornerluisunik katsorsaaneqarfik pilersaarummut tunngasumut, tamanna aamma atuuttoq ataatsimiititaliamit ilimagineqarpoq.

Apeqqu 3:

Allannguutissatut siunnersuut nr. 20: Konto pingaarneq 67.01.14 Qaqqat sisoorneri:

Suliassanut missingersuutitut ilanngussaq naapertorlugu ingerlanneqartussanut naalagaaffik aningaasanik tapeeqataava?

Apeqqu 4:

Allannguutissatut siunnersuut nr. 21: Konto pingaarneq 67.01.15 Carbon Capture Storage:

Konto pingaarneq nutaajusoq ataatsimiititaliamit paasineqarpoq. Paasissutissap tamatuma missingersuutitut ilanngussami allassimannnginnera ataatsimiititaliamit eqqumaffigeqquneqassaaq. Tamanna allannguutissatut siunnersuuteqarnikkut iluarsineqassasoq ataatsimiititaliamit naatsorsuutigineqarpoq.

Apeqqu 5:

Allannguutissatut siunnersuut nr. 22: Konto pingaarneq 73.01.12 Puiaasanik utertitseriaaseq:

Konto pingaarnernit, utertitseriaaseq pillugu allannguutissatut siunnersuutinik saqqummiussivigineqartut, pillugit skemanngorlugu takussutissiaq taakkunanilu kisitsisit paasissutissiissutigineqartut iluarsisat ataatsimiititaliamit kissaatigineqarput.

Kiisalu puukut qillertuusat qanoq annertutigisumik isertitsissutigineqassanersut paasissutissiissutigineqassasoq ataatsimiititaliamit kissaatigineqarpoq?
Matuma kinguliani allassimasut Naalakkersuinit qanoq isertitaqarfiusussatut naatsorsuutigineqarpat:

- Utertitseriaatsip ingerlanneqarnerani aningaasartuutitut matussutissaq 60 øre
- Inuussutissarsiortut isumaginninnerannut ajunngitsorsiassat 10-30 øre

Apeqqu 6:

Allannguutissatut siunnersuut nr. 23: Konto pingaarneq 80.00.01 Nuussinissanut sillimmatit: Sanaartugassat sorlertut atugassiinissaq aningaasallu qanoq amerlatigisut atugassiissutigineqassanersut paasissutissiissutigineqassasoq ataatsimiititaliamit kissaatigineqarpoq. Atugassiinissaq taanna allannguutissatut siunnersuutitut 24-mit 32-mut tunngava?

Apeqqu 7:

Allannguutissatut siunnersuut nr. 26: Konto pingaarneq 84.40.15 Ilinniartut inaannik sanaartor-
neq:
Nuummi ilinniartut inaannik sanaartornerup killiffia paasissutissiissutigineqassasoq ataatsimiititaliamit kissaatigineqarpoq.

Apeqqu 8:

Allannguutissatut siunnersuut nr. 27: Konto pingaarneq 86.60.01 Peqqinnissaqarfik:
Aningaasaliissutini illoqarfiit sorliit ilaanersut Naalakkersuisunit maannangaaq paasissutissiissutigineqarsinnaava?

Apeqqu 9:

Allannguutissatut siunnersuut nr. 30: Konto pingaarneq 87.73.12 Umiarsualivinnut talittarfinnullu aningaasaleeqqinnerit:
Aningaasaliissutini illoqarfiit sorliit ilaanersut Naalakkersuisunit maannangaaq paasissutissiissutigineqarsinnaava?

Sammisaq 2-p ataani allannguutissatut siunnersuutit nr. 6-21 aammalu allannguutissatut siunnersuutit nr. 23-32 **akuerineqassasut** ataatsimiititaliamit **inassutigineqarpoq**.
Allannguutissatut siunnersuummut nr. 22-mut **isummernissani** siunnersuutip pingajussaaneer-
neqarnissanut ataatsimiititaliap **kinguartippaa**.

4.3. Sammisaq 3 – Aningaasartuuteqarnerussutissat

Qulequttami tassani allannguutissatut siunnersuutit 6-inik Naalakkersuisut saqqummiussipput, taakkulu 33-mit 38-mut normoqarput. Allannguutissatut siunnersuutit taakku IST-p inerneranut aningaasanut inatsiseqarfimmi 2024-mi 16,149 mio. kr.-inik ukiunilu missingersuusiorfiusuni 2025-2027-mi ukiumut 13,6 mio. kr.-inik ajorseriaataassapput.

Aningaasartuuteqarnerussutissat missingersuusiorneqanngitsut arlallit pinngitsoortinneqarsinnaanngitsutut nalilerneqarput, taamaattumillu missingersuutitut maannangaaq ilanngunneqarlutik. Tamatumani pineqartut tassaapput:

1. Isumaqatigiissutigisatut 2024-mi Mittarfeqarfiit A/S-imik kiffartuussinissamut isumaqatigiissummik akinut malinnaasitsinissaq 250.000 kr., tamatumalu kingornatigut ukiu-
moortumik 2,5 mio. kr.

2. Inussuk IT-mi aningaasaqarnermut aaqqiissutaasumut ukiumoortumik 1,9 mio. kr.-nik aningaasartuutaanerulersoq.
3. Erninermit aningaasaateqarfimmut akigititamik iluarsiiineq, ukiumoortumik 2,8 mio. kr.-nik suliffiit sulisoqarfimmut akiliutigisartagaasa annertunerusumik ilassuteqarfiunerata nassatarisaanik.
4. Ukiumoortumik 3,5 mio. kr.-nik Region Midtjyllandimi psykiatriimi ilassutitut inissaq ataaseq (Suliaq ilassutitut aningaasaliissummi siusinnerusukkut akuersissutigineqartoq nr. 1046 ukioq manna).
5. Ukiumoortumik 3,0 mio. kr.-nik inissianik annikinnerusumik tunisaqarnerit.
6. 2024-mi INI-p inissiaataani immikkoortoqarfimmut 4,8 mio. kr.-nik tapiissutit, siunertarineqarluni najugaqarfimmi aningaasaqarnerup oqimaaqatigiinnissaata qulakkeer-neqarnissaa.

Allannguutissatut siunnersuutitut ataatsimiititaliap oqaaseqaatai:

Allannguutissatut siunnersuut nr. 34: Konto pingaarneq 31.03.35 Erninermit aningaasaateqarfik: Ilanngussaq E, AMAAT-mi siulersuisunit saaffiginnissummut tunngasoq, ataatsimiititaliamit innersuussutigineqarpoq. Saaffiginnissut Naalakkersuisunit isummerfigineqassasoq ataatsimiititaliamit naatsorsuutigineqarpoq. Tamatuma kingunerisaanik allannguutissatut siunnersuummut nr. 34-mut isummernissani ataatsimiititaliap kinguartippaa.

Apeqquut 1:

Allannguutissatut siunnersuut nr. 38: Konto pingaarneq 72.26.04 Mittarfeqarfiit: 2024-mi aningaasaliissutaaneruserut taama ikinnerutiginerannut suna tunngaviua?

Sammissaq 3-p ataani allannguutissatut siunnersuutit nr. 33 aammalu allannguutissatut siunnersuutit nr. 35-38 **akuerineqassasut** ataatsimiititaliamit **inassutigineqarpoq**. Allannguutissatut siunnersuummut nr. 34-mut **isummernissani** siunnersuutip pingajussaaneer-neqarnissaanut ataatsimiititaliap **kinguartippaa**.

4.4. Sammissaq 4 – Aningaasartuutikinnerussutissat

Qulequttami tassani allannguutissatut siunnersuutinik 5-nik Naalakkersuisut saqqummiussipput, taakkulu 39-mit 43-mut normoqarput.

Allannguutissatut siunnersuutit taakku IST-p inerneranut aningaasanut inatsiseqarfimmi 2024-imi 53,430 mio. kr.-inik aammalu 2025-mi 51,6 mio. kr.-inik kiisalu ukiuni missingersuusiorfiusuni 2025-2027-mi ukiumut 58,6 mio. kr.-inik pitsanngoriaataassapput.

- 2024-mi ukiumi naatsorsuiffimmi sillimmatissatut immikkoortitat 35 mio. kr.-t atugassanngortissinnaanerit Aningaasaqarnermut Akileraartarnermullu Naalakkersuisoqarfiup nalilersimavaa. Aningaasat konto pingaarneq 20.11.51 Aaqqiissusseqqinnerit sunniutaanni immikkoortinneqarput. Tamatumunnga tunngaviuvoq akileraartarnermi inatsisinik 2025-mit atuutilersusanik inatsisini allannguutit suliarinissaasa angumerineqarnissaat. Aamma akileraartarnermut aqutsisoqarfimmi IT-mi atortut 2025 sioqqullugu allanngortinnissaasa suut angumerineqarsinnaanerit amma killeqarpoq.
- Eqqarsartaatsimikkut kinguarsimasunik inissiisarnernut ukiumoortumik 7 mio. kr.-nik aningaasartuutikinneruneq, naatsorsuutigisamit taakku akikinnerummata.
- Pisortat ikiorsiissutaannik meeqqanut tapinik ilaqartumi aaqqiissuteqarallarnermi 2024-mi 9,9 mio. kr.-nik aningaasartuutikinneruneq.

- Ukiumoortumik inissiat normuinut 1,6 mio. kr.-t Mittarfeqarfiit A/S-imit annertunerusumik akiliuteqarnerit.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 4-p ataani allannguutissatut siunnersuutit nr. 39-43 **akuerineqassasut** ataatsimiititaliamit **inassutigineqarpoq**.

4.5. Sammissaq 5 – Isertitaqarnerunissamik inatsisitigullu pisussaaffigalugit aningaasartuutissanut missingiutit nutaat

Qulequttami tassani allannguutissatut siunnersuutininik 9-nik Naalakkersuisut saqqummiussipput, taakkulu 44-mit 52-imut normoqarput.

Allannguutissatut siunnersuutit taakku IST-p inerneranut aningaasanut inatsiseqarfimmi 2024-imi 115,4 mio. kr.-inik aammalu 2025-mi 110,9 mio. kr.-inik kiisalu 2026-imi 96,4 mio. kr.-inik 2027-milu 96,9 mio. kr.-inik pitsanngoriaataassapput.

- Ukiumoortumik akileraarutini isertitanut missiliuinerit nutaat ukiumut 65-70 mio. kr.-t akornanni isertitanik pitsanngorsaapput. Tamanna pingaarnertut tassaavoq ukiumoortumik nunami tamarmi akileraarutinit isertitat qaffasinnerusut, 50 mio. kr.-t, tassaasut akit nikikkiartornerisa pitsaasut taakku kingunerisaat. Tassunga ilanngutissapput naqissusiinnermut akitsuutit, aamma sulisoqarnermut akitsuutit qaffasinnerulaartut.
- Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaatut siunnersuut 2023-mi ukiakkut ataatsimiinnermi saqqummiunneqarpoq, , taannalu 2024-2025-mi ukiumut 45 mio. kr.-nik, tamatumalu kingornatigut ukiumut 30 mio. kr.-nik isertitaqarfiussaaq.

Allannguutissatut siunnersuutininut ataatsimiititaliap oqaaseqaatai:

Apeqqu 1:

Allannguutissatut siunnersuut nr. 47: Konto pingaarneq 24.10.11 Nuna tamakkerlugu immikkut akileraarut:

Aningaasaliissutit 3 mio. kr.-it aammalu akileraartarnermi procentpoint ataatsip 3,8 mio. kr.-inik akileraarutitigut iluanaarutaanissaanik naatsorsuutiginninnerup imminnut ataqatigiinnerat paasissutissiissutigineqassasoq ataatsimiititaliamit kissaatigineqarpoq.

Allannguutissatut siunnersuut nr. 49: Konto pingaarneq 24.11.13 Umiarsualivimmiinnermut akileraarut:

Tassunga isummernissani ataatsimiititaliap immikkoortumik pingajussaaneerinninnissamut kinguartippaa.

Apeqqu 2:

Allannguutissatut siunnersuut nr. 51: Konto pingaarneq 24.11.22 Sulisoqarnermut akitsuut:

Erninnermi aningaasaateqarfiup atuuffia immikkut eqqarsaatigalugu oqaasertat ilanngunneqartut erseqqinnerusumik itisilerneqarnissaat ataatsimiititaliamit kissaatigineqarpoq.

Apeqqu 3:

Allannguutissatut siunnersuut nr. 52: Konto pingaarneq 24.11.23 Nukissiornermi ikummatissanut tunisassiarineqartuni avatangiisinut akitsuutaat:
Aningaasaliissutit amerleriarnerat immikkut eqqarsaatigalugu oqaasertaliussat ilanngunneqartut erseqqinnerusumik itisilerneqarnissaat ataatsimiititaliamit kissaatigineqarpoq.

Sammissaq 5-ip ataani allannguutissatut siunnersuutit nr. 44-48 aammalu allannguutissatut siunnersuutit nr. 50-52 **akuerineqassasut** ataatsimiititaliamit **inassutigineqarpoq**.

Allannguutissatut siunnersuummut nr. 49-mut **isummernissani** siunnersuutip pingajussaaneer- neqarnissaanut ataatsimiititaliap **kinguartippaa**.

5. Oqaasertaliussanut allannguutissatut siunnersuutit

5.1 Naalakkersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutit katillugit 7-inik Naalakkersuisut siunnersuuteqarput. Ataatsimiititaliap matumani isumaliutissiissummini ilanngussaq D innersuussutigaa.

Allannguutissatut siunnersuutitunut ataatsimiititaliap oqaaseqaatai:

Apeqquut 1:

Allannguutissatut siunnersuut nr. 57: Konto pingaarneq 72.10.19 Namminersorlutik Oqartussat ineqarnermut immikkoortortaqaarfiiinut immikkut ittumik tapiissutit:
Missingersuusiornermut malittarisassat 2008-meersut ataatsimiititaliamit innersuussutigineqas- sapput, tassani ima allassimasoqarpoq:

”Oqaasertaliussaqaarnikkut inatsisioersumik allannguneq taamaallaat pisinnaavoq inatsimmik allannguneq utaqqineqarsinnaanngippat. Ataavartumik nalinginnaasumilluunniit inatsisitigut allannguneq oqaasertaliussaqaarnikkut ingerlanneqassanngilaq, akerlianilli inatsisip akuersissuti- gineratigut tamanna pisariaqarluni.”

Apeqquut:

Oqaasertaliussaqaanoq siviutitigisumi pisariaqartinneqassanersoq Naalakkersuisut akisinnaavaat?

Apeqquut 2:

Allannguutissatut siunnersuut nr. 58: Konto pingaarneq 73.01.12 Utertitassanik qularnaveeq- quisiarnermik aqqissuussineq:
Missingersuusiornermut malittarisassat 2008-meersut ataatsimiititaliamit innersuussutigineqas- sapput, tassani ima allassimasoqarpoq:

”Oqaasertaliussaqaarnikkut inatsisioersumik allannguneq taamaallaat pisinnaavoq inatsimmik allannguneq utaqqineqarsinnaanngippat. Ataavartumik nalinginnaasumilluunniit inatsisitigut allannguneq oqaasertaliussaqaarnikkut ingerlanneqassanngilaq, akerlianilli inatsisip akuersissu- tigineratigut tamanna pisariaqarluni.”

Apeqquut 2.1:

Oqaasertaliussaqaanoq siviutitigisumi pisariaqartinneqassanersoq Naalakkersuisut akisinnaavaat?

Apeqquut 2.2:

Allannguutissatut siunnersuutit, utertitseriaatsip nutaap aningaasanut inatsisissatut siunnersuutip aappassaaneer- neqarnissaanut Naalakkersuisut allannguutissatut siunnersuutaani ilaasimatillugit, taakku imarisaasa ataatsimoortumik allaaserineqarnissaanik Naalakkersuisut ataatsimiititaliamit

qinnuigineqarput. Aningaasaliissutit aningaasaliinermilu tunngaviit paasiuminarninngorlugit skemanngorlugit takussutissiarineqarnissaat ataatsimiititaliamit kissaatigineqarpoq.

Apequt 2.3:

Allannguutissatut siunnersuutini utertitseriaatsimut tunngasuni kommunit atuuffiisa immikkut allaaserineqarnissaat ataatsimiititaliamit kissaatigineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissatut siunnersuutit nr. 53-imit 57-imut aamma 59 **akuerineqassasut** ataatsimiititaliamit **inassutigineqarpoq**.

Allannguutissatut siunnersuummut nr. 58-mut **isummernissani** siunnersuutip pingajussaaneer-
neqarnissaanut ataatsimiititaliap **kinguartippaa**.

6. Aningaasaqarnermut Ataatsimiititaliap inassuteqaatai

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.

Sammissaq 1-ip ataani allannguutissatut siunnersuutitut nr. 3-mut aamma 4-mut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

Sammissaq 1-ip ataani allannguutissatut siunnersuutitut nr. 1, 2 aamma 5 **akuerineqassasut** ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuummut nr. 22-mut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

Sammissaq 2-p ataani allannguutissatut siunnersuutitut nr. 6-21 aamma 23-32 **akuerineqassasut** ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuummut nr. 34-mut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

Sammissaq 3-p ataani allannguutissatut siunnersuutitut nr. 33 aamma 35-38 **akuerineqassasut** ataatsimiititaliamit **inassutigineqarpoq**.

Sammissaq 4-p ataani allannguutissatut siunnersuutitut nr. 39-43 **akuerineqassasut** ataatsimiititaliamit **inassutigineqarpoq**.

Sammissaq 5-ip ataani allannguutissatut siunnersuummut nr. 49-mut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

Sammissaq 5-ip ataani allannguutissatut siunnersuutitut nr. 44-48 aamma 50-52 **akuerineqassasut** ataatsimiititaliamit **inassutigineqarpoq**.

Oqaasertaliussanut allannguutissatut siunnersuummut nr. 58-imut isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut **kinguartippaa**.

Oqaasertaliussanut allannguutissatut siunnersuutitut nr. 53-57 aamma 59 **akuerineqassasut** ataatsimiititaliamit **inassutigineqarpoq**.

Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq**.

Asii Chemnitz Narup
Siulittaasoq

Jens Frederik Nielsen
Siulittaasup tullia

Peter Olsen

Mariia Simonsen

Kuno Fencker

Karl Tobiassen

Jens Napaattoq